

養素堂詩集

養素堂詩集卷十

在威張澍介侯

還轅集

庚午

明慎篇

吾身何以淑審慎免瑕玼持下捐橋氣含和秉德基樞機榮辱
繫義欲吉凶隨絃直情同忌蘭芳世共訾羣尤吠堯服眾女妒
蛾眉得不驩爲括而將路赴歧同塵藏史旨待旦姬公恩奔軌
尋尼父傾舟想墨夷伯高聊刻鵠莊安定憐犧伸舌柔斯可捫
心朗亦宜靈根塞朋牖咫道步康衢集木懷顛墮臨淵謹騁馳
雞鳴爭善利蠅吠任官私敢舞防風股羞憐相鼠皮振衣謙餒
衽衛足智多葵擇術茅堪藉防微衡莫騎夢酣尋醬枕味美卜

端頤鱗我邠須校金人在執雌訓兼鮮安語納履避嫌疑戒李
緣桃病懲羹見齏吹渾濤颺左海勁颺折喬枝儻弗韋弦佩安
能木雁期盛名總致寇好議實興師子細除三蓋寅清凜四知
嚴乎環手目恒乃鑒巫醫夜浴容靡改朝科咎莫辭青蠅樊聽
止白璧潔仍持訛獸誰厭肉篋蟲好飲卮闕貺彌栗栗鯢斷自
甕甕席豫孔光輩難言保素絲

讀賈誼傳

漢治猶能重吏循吳公第一薦儒臣誰教絳灌生同世何恠靈
均隕此身況復慶孫頻競譽其如文帝亦疑神管伊勲業無憑
藉祇好空文著過秦

讀抱朴子

今山不及古山高今海不及古海廣今日不及古日熱今月不
及古月朗魯國曾有蹲龍翁當世相輕目曰東三經做席不得
意桑落之下旅人同亦有林翁孺高足言詞容貌不驚俗朱莫
獨草太辛經桓君山外嗜誰酷吁嗟乎驥是緣蛇相何必秦牙
璧是白虹抱何必卞和

讀山海經

孔子家兒不知罵曾子家兒不知怒金人緘口詎無因褐博惴
心諒有故況乃猶龍在守黑可知若谷是上德十萬文刪五千
言瀝血金壺以代墨將軍治水正英髦佗經鑄鼎物難逃笑之

獸兮有巨黿嘗之獸兮有山膏

祖龍行

鐵椎未售滄海君鎬池白壁來相聞輻輳送返沙丘道驅山魚
膏闕苑墳憶昨安期畱赤舄宛渠又復貢然石庶幾長生陵太
清嘉平吉日延羽客何意徐生不再來朱泥空起雲明臺稱樂
太早鼎絕系阿房絲竹仍喧廛莫信讖文防胡亥大澤狐鳴陳
勝在東封刻石徒爾爲咸陽怨碑雖鏤改泰山風雨亦誤人瓜
田集議阮儒巾次仲化鳥翻飛去獻諛恥效周青臣可憐巨公
無仙術猶向甘泉祠秦一

猛虎行

饑不食左行草倦不憩朝歌邑左行令寡情朝歌染惡習數往
交四海真氣殊蓬勃王遠似屏風魏收如蛺蝶視之猶涕唾心
遠足不捷誤墜塵網中窮年恒兀兀但學鮑龍吟詎彈馮驩鋏
往哲處憂虞遺經勤補緝方聞學九能不朽卓三立十八卽殞
仁顏氏敏難及善刀苦不藏無爲抱璞泣

放雀詞

黃雀黃雀放爾飛去茂樹深林樂且游處道旁之童方以爾爲
嬉飛去飛去勿食其飽飼爾黃花解爾急縛商離離幾時巢之
中爾母其索

書明朱太常死事狀後

名萬季字鶴南貴州黎平人爲萊州守死贈太常

戰塲血模糊危城疊卵扶餓軍量米粟

食盡公稱貸紳士

吞賊戟髭鬚

視死雲殯陳悲秋月脫弧

七夕被害

上方誰請劍早逮督師誅

指劉宇烈

主撫真無益中丞未力爭

指謝璉

任他焚冢骨誤我斬軍旌烈火

驚蛾夢

公屢發兵夜中襲賊

飛丸壓鼓聲

巡撫徐從治中彈死

諸生睥睨外望斷瀋

陽兵

時祖大壽已率軍來援而宇烈詐言奉旨主撫

風雨起黃昏螳軍守關門出奇當制勝讀詔竟銜冤

劉宇烈遣都司程嘉

訓檄公出撫公曰賊蹈不赦律必無降理往則從損國威耳然知府食祿爲王臣此身固不敢惜也坐獲車下竟被執國

事成殘局孤臣禽異恩靈旗東海上慘澹泣英魂

張許是男兒睢陽力不支身亾城郭在夜冷鬼燐吹豺虎今消

跡螭龍皆刻碑

事聞贈太常少卿賜祭葬有司建祠樹棹楔

表忠揮淚讀橫劍仰天

時表忠錄公裔孫
俊英尚英聯翼

顯陶靖節画像

先生彭澤宰歸來爲折芻書箸羣輔錄命意何超超作詩屢乞
酒淺者乃訕嘲豈知先生意不在手中瓢我嘗欲學之媿無王
宏招整衿觀画像清臞而疏蕭蒼龍下泥滓白鶴厲雲霄惟不
書甲子議論聚煩囂琴可以無絃何必有絃調先生非逃世籬
外菊花驕

顯韓文公画像

夢裏吞丹篆乃能識難字浹長去已遠誰知六書義先生經術
深箇畬獲多積發爲古文章陳言皆吐棄嶷嶷立朝廷風節何

矯異佛骨尚欲燒鱷魚焉能置篤厚是平生恤寡憐孤意偶昇
大顛游不害真箇次有晉陶淵明惠遠聯朋類何嘗損其高蓮
社聊把爵馳入庭湊軍勇氣懾驕帥再拜觀儀容三唐實無二

顯司馬溫公画像

忝卒知司馬園丁呼君實惟公之姓名赫然滿天地景行仰高
山厥貌何純懿熙寧神宗朝安石方興利新法厲斯民青苗紛
遣使公也力爭之洛陽閒散置結社爲耆英賓朋昆遊戲彼哉
呂惠卿沙門而用事手實宗夷吾於今未可試紹述有蔡京黨
裨恣橫議以公爲之魁小人何無忌石工不刻名灼然曉大義
敵國聞相公歡然賀得位卽此知公賢潛焉坐涕泗

和楊慶堃

業萬

明府金天觀聽琴元韻並寄齊橄園

正訓

同奉

霓裳曾譜大羅天
又聽琳堂洞越絃
脂帝覺皇驚癡夢
春蘭秋竹感鸞琴
月明如晤青谿客
山靜仍來白鶴仙
況是鳴琴宓子賤
異時勲業寫陵煙

題楊慶堃

業萬

明府紀夢詩牌

揖次蒼崖列翠屏
弘農巾幘閱英靈
煙鬟霧裏愁何許
一卷千秋娥玉帳
經

腹語誰能似賈雍
鳴鉦解甲太匆匆
深閨不慣歌黃鵠
竟向沙場作鬼雄

諸子威名照簡編誰知母氏善參連金陀逸事何人記不把霜娥並烈傳

楊侯爲政自風流鸞鳥山川夢裏游一勺椒漿酬垆蜀磨崖文字亦千秋

和楊慶菴

業萬

明府紀夢詩碑元韻

戰壘荒涼憶善無

據史楊業延昭等戰蹟在雁門代郡上谷雲中諸處善無縣卽雁郡屬也

靈旗慘

澹指征夫

古北口有楊六郎七郎祠余往灤河時曾過之

模刻又濺霜殘血故老爭傳

翠澗隅

報國忠魂泣淚紅馨香應自祀和戎陳雲想像龍松陝

漢志松陝卽今

古浪遺恨都流瘡水中

同王海如

錫

歲貢郭雪莊

楷

明府馬接三

廷錫

趙金如

廷

錫

二進士李蘊山

映樸

白后圃

毓鶚

趙子昌

可後

侯仲

班

定遠

四孝廉家玉谿

美如

庶常趙松濤寺避暑

何處最蕭騷炎威此地逃十人聯玉筍六月聽松濤相昇科頭
坐憐佗婢剗勞傾杯湔三百河朔遜吾曹

侵曉入蒼林涼風拂葛稔雙釵垂玉露一曲奏蠲琴修竹散疏
影老槐清午陰北窗且高臥鶴夢萬山心

涼月上階匡牀坐紆懷何人吹玉簫使我怨金牌

時譚及金陀林編顙

天錄中事蜚語愁如訴鳥噓恨未埋桃笙仍滑冷嬾睡溼巾指

寺外柳婆娑清谿漾碧波豆花如穉落麥穗比雲多畦上農真

病塗閒客又嗟吾徒尚憚暑逐熱更如何

諸友共懷奇高才又遇時雄譚方縱酒市物各敵基本窟蠶能
臥雪花蠅不知炎涼那有定且自賤吾詩

卽此是神仙何爲蟻慕甌壺中長日月面裏老林泉鐘磬方清
耳蟲蟲乍吮屑從知塵世事不必費鑽研

輓白亭謝雲峯

鑒學博

北海門誰表西州淚欲潸蘇山鬱在望不見謝公顏曲徑蒿長
積皺雲石已斑風回豬野澤月寫柳湖灣耆舊人爭說高名我
欲拔書墩基自巖槐市蔭仍瓊弟子餘先鄭遺文剩小山和晉
何節節慈德亦般般架上堆繁露亭前挂白鵬

先生善射

矧予附爪

葛永念思難刪

書白亭謝雲峯整學博行述後

約繩學儒術負笈事遠征父敬陳仲弓兄遇馬長卿文章頗獲
落意氣猶縱橫銜杯孔北海盍宗聯爲朋釋褐入木天仰望彤
階行一具銅蟾蜍灑墨羣仙驚葵忽扶風至吹落九絲城侏離
殊聒耳歸來讀清明先生梓里杰觴歲噪文名卓聞知肅伏毅
性比椎成摘藻鸞龍虎頭頑東西京雨沙尤善誘精舍羅眾英
譚經棄糟魄析理微髮程遽遭辰巳尾騎鶴返上清未執壺
杖臆憾鬱難平楹書并櫬覩後嗣守無憂庭并三珠樹雞趣接
翅鳴飛飛青雲際沆瀣吸金莖伊予蟠泥滓跋浪想長鱣且復

摩漆書信古效老彭頌儀不可見老黃誰典型銘石納竊室終

夜發光晶

余誌其墓

慨想何能已染翰寫平生

宣鄉徐謝氏節孝婦也爲楊慶菴

業萬

明府至戚明府持

氏事跡見示詩以章之

爲子養父母爲婦養翁姑翁姑雖異稱均之父母呼顧婦各父母或者天性殊反脣固有之詎諄良難圖其甚悍且鸞膜視人游衢孝哉徐氏婦晨夕勤以飭依依若孩稚二老心權愉雞鳴起奉盥抑搔敬將扶滄漣手自潔敢以蟻螯俱入舌惟蔬餼云保尊章軀中庭冥夜拜虔禱壽於胡猶憶癸丑歲絲綈病清臞夫也亦越淦舉峯臥曲困疆疾侍藥鎗執卽守坐隅云何天不

弔梁甫去魂孤實由妾不幸何以降神巫灼灼芙蓉花斷腸在
斯須攬衣對女貞天慘雲欲枯俛視有阿咸翻下弄孺雛愛之
如所生策勵赴塤塗面板兼九熊俾知董弁紫一旦遭大漸頻
將舅姑呼無因侍等髮肝摧淚傾壺泉室尋我特念姪又來蘇
語畢長此絕先後泣門樞孝哉仍苦節我聞歎其愚行念不可
及泚筆爲揚揄人子苟推此忍弗哺慈烏人臣苟推此詎肯售
欺誣

醉歌

刺褐羶翁於我有意無不欲箸書仰屋爲腐儒興來一飲三百
稱大戶畢竟天上神仙少憎愚蔡邕何得橫道號醉龍不如我

張顛上頓從容橘弟槐兄視之同一體醲王汁佛道爾棧相逢
乃知人生富貴各有遭奚必鑽破頑石求螭螭且弄上帝戲臣
共哆笑黍昂麥低一任旁觀嘲

游周玉成

國器

太學涉趣園

已了塵緣訪孟歧偶游垌野遇周墀風飄絳驪翻花桁雨溼青
簷落竹籬玉酒金鑊期北海言鱗笑牒傲南皮季來正有山林
興共結芳鄰倒接離

秋日閒居

不慣敲碁蔭老松空庭闌宋弄裘鍾問奇絕少侯鋪子操力還
思石戶農月上三更橫鴉劍人魑萬里仗青筇悔將簪日陵雲

筆灑向秋窗賸暗螢

庚午早秋白燕見吾涼之南郊詩以紀之

未是烏衣國裏來西方肇瑞舞裊裊鸞城月上渾無影鴻谷風
清不染埃客路初經三伏日玉篴高放九成臺銜泥啄草尋常
事願賀

彤廷棟宇材

曾到靈卑訪意而秋風此日羽差池一天涼露珠灑溼萬里飛
軒玉箔垂八夜瑤光星朗朗明秊柳絮雪纚纚羌無高士黃睛
目錯認句容第幾芝

朱雀橋邊憶舊游閒花野草恨悠悠吾家慣有投懷瑞

家玉翁
新得次

子故國欣逢盛德秋
冷逼金天鳴謚隘
巢依瓊樹夢遲留
誰將海外憐才意
說昇人閒宦遠侯

曲巷迢迢送夕陽
斜飛猶似帶朝霜
素心曾向馬樞語
皓質仍依紀睦翔
水淺蓬萊仙伯驥
雲艤隴首雪爲裳
似曾相識張公

子續入河西舊事香

時余纂輯河西舊事

和詩

郭楷

元鳥經秋半欲歸
何來仙品乍飛飛
霜翎徐整隨青女
玉翦輕拋伴素妃
蓼岸將泥嫌有泥
蘭墮戢翼恨無依
清詩誰似張公子
十幅雲羅一筆揮

聞說蓬萊產夏珍
雕梁日暖見精神
水晶簾動花間影
雲

母窗窺面裏人繞閤琅函睇綠字參天珠樹絕紅塵平生
淪謫緣何事消息傳來苦未真

曾傍烏衣國裏行孤懷踽踽可憐生摧殘雪羽陵空瘦牢
落霜毛對鏡明猶喜緇塵黷盡滌不教朱紱夢相縈破巢
風雨隨吾分謝爾滄江鷗鷺盟

溼宮春事漫相尋煙舍茅籬一帶深瑤草露明香漠漠璫
田月澹影沈沈高樓思婦原無寐秋水伊人共此心最憶
江南袁海安烏犍背穩掉頭唵

郭雪莊

楷

明府和余白燕詩甚佳作此謝之

袁凱今時又再來新詞麗句自清才幾畚雪裏藏珠羽此日風

弄舞玉胎紙上如聞穿箔入豪端卻見向雲裁君身信有珊瑚
骨肘印封侯萬里回

雪莊失官家居
故以此語慰藉

讀史

韓信最無行不得推爲吏陳湯亦無節州里所屏棄登壇淩大
策手正高皇位專征躡并庭郅支頭爲器譚笑建奇功諒由蓄
神智嗟彼曲謹儒存誠而去僞一旦臨危疑氣索身潛避回思
發高論奮襁攘其臂及乎事敗耻藉口不謀利可知鄉里閒不
復有清議

峩峩蒞董公仁義說高祖矯矯魯兩生禮樂百季譜戰國俗澆
漓狙詐爲謀主二子抱殷憂救弊言必古清風吹血腥干戈出

樽俎姓名反埋沒誰識心獨苦後世吏作師反謂儒爲腐
朱溫兄全昱楊涉子凝式大呼擊毆盆何取唐社稷手持璽舁
人父也舉雖飾人心公是非在家存其直子桓簾瀝日思王痛
太息泉下曹阿瞞得毋有慚色英雄善籠絡四海爲羽翼骨肉
難爲情心服非由力

渭源朱小梧

鳳翔

明府書來坐間並寄詩極想念之勤作

此酬之

廉潔誰如朱仲卿吾家膠相貢微誠於今北朔南交客共結三
秋一日情望遠猶歌宮調曲登高每見渭源清西風吹薦黃花
酒我欲來尋襄茱城

朱小梧

鳳翔

明府以近人所摹蘇東坡小像屬顧輒作三

言一章誌諸幀首其實皮膚不能貌學士之似也小梧

弄之定有哂我爲唐突西施者

謝幼興堪巖壑殷深源宜高閣中虛唐雖簫勺我髯蘇信絕倫
擒妖賊靖黎人塢河流保城闔豈獨文驚永叔花千枝泉萬斛
經學深嗣髮福彼讒者李舒何蒼蒼檜爲障魔逮臺獄鄰豐茄
賴神宗不竟治醉夢中語言出付黃州雪堂記詔復用翰墨林
永豐渥帶坐金以論事當軸侵輟侍從爲太守西湖山落吾手
六一泉尋歐九別老封職明幽山啟事數月周遭倭蟬又潁州
紹聖初時事壞羅織經君之債歟海南魑魅伎颶風起瘴濤奔

不堪聽斷腸。援臣孤老泣。子孫我儀君。心爲盡。晉昌黎司潮職。
勸封禪。乞憐色。公百折氣。不同黎氏子。相裴夏雨笠。屐小兒。咤
最風流真名士。近千秋神不死。孟博公君其是。

謝蓮湖

葆霽

明府送白亭瓜

久苦炎蒸頰茂昭。故人貽我鎮心焦。承筐忽見皋陶面。漬水還
周壯。蒼鵲豬野泉。甘虎掌。脆柳湖露浥桂枝。嬌何當乞得西王
藥。種出青鐙勝碧瑤。

膠漆篇

膠漆何相憎。冰炭何相愛。相愛由相息。相憎由相代。云何鳥集
人。始驩披肝肺。一旦葵傷根。下石無久耐。繇來朋不心。一自伐

木廢嗟彼北山鴟反笑鳳非配

聞涇陽馬葵圃

學賜

大令將引疾歸賸寄

驅雞收羊逾十季召父杜母遐邇傳涇水一石泥數斗君心乃
是清冷淵商悅出塗農安野並無翼虎坐饒涎善事上官非所
願民譽無失口碑宣循良之吏如此少如何浚計歸林泉有子
鳳毛非凡鳥他日能續扶風篇我今息影蓬蒿下終日兀坐羅
殘編何日按蠹食脈望羽衣飄忽隨羣仙泚筆作詩挽君駕安
得訪我來祁連

聞鮑雙五

桂星

學士同平督學河南賸寄

中嶽嵩山吾未登石淙詩刻從峻嶒君今乘傳視學豫按巖採

幹斤從繩鄉人孟陽居汴上

李獻吉罷江西提學後居大梁不復返慶陽矣繼夏或有

子孫能次榎不佗仲默死蟻蠓集並山人稱提倡宗風有鮑叔

儕嶠太守簪宜朋

謂衛輝府王希聲蘇

他日我讀輶軒錄銀餅賒酒學杜

陵

陞平泉

以莊

學使書來賤此禽之

課士黃河序

學使觀風甘涼以擬元學士柯九思黃河序命顯余寄書柯九思元書面博士為歷城潘昂霄河源

志作序也

誤沿舊志書見之偶能記尺素寄雙魚為言元都實奉使

崑崙墟窮探星宿海潘昂霄弁俱遂作河源志歸來至大初柯

九思為序其文乃空疏書面博士耳官未學士除先生得我簡

飛章到做廬發函伸紙讀墨光照崑閭謙謙美無度慙慙德有

餘予也誠不敏慚愧增歎歎窺得管中豹何能誦十車從此當
自勵不敢負居諸

涼州詞

席箕風緊起邊愁一曲琵琶醉裹頭失卻焉支少顏色瀝家那
肯棄涼州

涼州地勢控河西競說休屠金日禪大尉後來梟勇甚山空谷
盡鳥悲嘯

秋蘭夜夜唱刀鏝萬里征人夢早還明月似知人意緒故將猶
樣作弓彎

落日蕭蕭候馬亭蒲稍昨已過并庭渥洼波暝余吾漲卻絆龍

駒海浪青

閒居雜詠

第五林深響碧泉至今林竈尚依然此中逃世真高隱底事劉

宏曉鏡縣

劉宏事見十六國春秋

崔嵬峻嶺匯洪池戰壘荒涼草蔓滋聞說寒冬冰結後土人時

去拾伊尼

城南三十里冰溝腦有大小薺洋池卽壽涼牛旋拒王擢之洪池嶺也父老謂冬日鹿飲池水輒足陷冰

凌中左右番民往取之名曰拾鹿

文梓良材管作車壽涼張氏駕驢魚而今不見檳榔樹滿谷油

松蔽臥閭

城西九十里壽涼文梓谷也近無梓多油松大可蔽閭閭形似驢西方多有之見王會解孔晁

注張鑑三禮圖

延州四載厲鋒鋌總管涇原茆又揚此地高臺何日築傳訛不

異寡嫗楊

城東三里許有狄臺相傳宋招討使狄青所築考青本傳並未至涼其子諮詠亦未官斯土又城內東北

隅有狄青厥或指為青獲罪被囚處時涼州為西夏所據宋既不得以青溺禁於此青亦未嘗獲罪何得被囚此亦如楊寡婦

征西本無其事而邑侯楊君業萬妄以其夢為之顯詩刻碑於古浪峽中也可為嗚噓

南宮舊井最甘香安國寺堦今冽涼可憐激淪碑已失未探修

綆一秤量

井涼張駿南宮內井水清冽異於他井今安國寺井水視他井較重且在城南隅疑南宮舊井也又道署

內有井康熙初井中掘出石鴈鏹激淪井三字係張芝隸書並有銘某觀察遷任載之去

紫草黃花被遠陂兀兒爭逐本周兒幼時曾憶繡箋注鵲驄還

尋野老知

吳任臣山海經廣注引甘肅志涼州之地有兀兒鼠形狀似鼠尾若贅疣有鳥曰本周兒形似雀而色灰

白兩物同穴而處余意兀兒即鵲本周兒即鵲也

浚雞山上草粘天赭爾飛翔五色鮮禽魯蘇河波渙渙於今可

否有椒仙

燉煌新錄禽魯蘇河在涼州西有天仙椒上有赭爾鳥五色如鳳明周王元宮詞君王笑向齊妃問可是

涼州禽刺蘇刺蘇魯蘇番語無定音也

肅爽霜毛練影飄大於秋雁屬屬霄神鳥鬱鳥都翔集信是西

方憤射妖

段氏酉陽雜俎肅爽妖如雁稍大出涼州晉太康中昌松郡神鳥降張氏因置神鳥縣唐路仁恭為神鳥

縣令夏侯湛為神鳥主簿近人以神鳥即鬱鳥其說蓋誣湛書地理志蓬威有鬱鳥縣顏師古注為鶴雉明楊升菴撰丹鉛錄

謂邊人不識鬱鳥遂呼鶴雉為鬱鳥按此二說皆非周書王會解成王時羌人以鬱鳥獻孔晁注不以為鶴雉晁晉人在師古

奔數百率宜可信是西方故多鬱鳥豈我涼人如伯樂之孫以蝦蟆為駿騄乎必不然矣

祁連仙樹即如何異果垂垂結滿柯不得攜歸貽婦子誰教虎

豹為遮羅

河西舊事祁連山有仙樹人行山中以療飢渴者輒得之可飽不得持去又酉陽雜俎祁連山上有仙樹

一名四味木按四味木即如何

鹿煖蟾胥禮注詳涼州烏翅味尤香黃雲滿隴秋成日到處鄉

人使飽嘗周官庖人注士虞禮注皆云涼州烏翅按即今之半翅秋稼成時多有之

有木根蟠沙石中掘來燒炭焰無紅薪傳累月猶難燼又說回

民織帽工陶宗儀輟耕錄野馬川有木曰瑣瑣燒之其火經年不滅彼處婦女取根製帽入火不焚如火鼠布狀余

少時用之煨爐火色藍而不紅擁入灰中可半月近已罕得矣未見有作帽者野馬川在鎮番縣

四鄉開徧馬蘭花似有清香散凸窪可憎美人簪不綰秋來刈

取當疏麻唐秦韜玉塞上曲蒹葭風緊馬驚寒葉香延延蓮音近疑即今之馬蓮也但其花葉似蘭秋時刈取其葉

可作繩亦可作紙貧者收其子飢歲食之

塞下曲

平少願封侯沙場百戰遁單于驛馬去且斬谷蠡頭
溼將定能飛單騎竟突圍那教射雕遁一箭叫鴟鴞
萬馬鳴蕭蕭宣威大漠遙票姚苦鏖戰半夜禿天驕
拔劍指天狼星弧射影滅窮追遮虜障縛得左賢王
夜冷鐵衣寒將軍尚據鞬滿天星斗爛回首五雲端
令滿裂冰霜旌旗曉日揚浚稽山谷靜捷奏到明光
少婦望夫豔燈花卜喜輝計程頻屈指諒已過金微

詠西域事

煮熟羊髀散曉煙三更漏止撤金蓮披衣早起星辰沒莫恠遼
東筮卻天

卷之三
三
欲種芙蕖水滿涯天山雪裏粲蓮花采來堪補桐君錄醫得癡
兒斑癩差

痕都斯坦道塗遙銅柱高擎溯帝堯萬里羈魂依不去恰如中
國岱宗招

托忒書傳旦調精音均字母自天成龍龕手鏡僧徒佗誰識犁
軒有正聲

蔚蔚高禾沒駱駝何由灌溉得滋和春時籽粒應如粟又見鳥
孫瓊卵多

平生未到甘英地桐律流津不見花羣鳥涉波都解羽殺龍藏
舌是吾家

洪崖墓

博物志洪崖墓在霍威今城東北有洪崖溝墓當在其處

上古有神仙荒墳沒草煙嗟予生已晚不得拍君肩

過靈淵池感賦

或云城北海子或云東西外之魚池未知孰是

昔日清波今濁流蘭橈曾此泛嘉州蕭蕭蘆葦依然綠不見青

帑賣酒樓

顧蘇荃牧羊圖

十九年來苦牧羊上林飛雁趣還鄉故人情重鰐弓贈哭拜茂

陵秋草長

書敦煌太守裴岑碑後

一片石臥西之域風囊雪虐未峻蝕上有文字古蒼蒼是誰大

書畱深刻惟漢永和二年間裴岑敦煌太守職呼衍王者肆陸
梁郡兵三千抵其國誅渠仍將部眾馘四郡害蠲靖邊塞振威
到此立德祠用表萬世有矜色吁嗟乎漢家匈奴最倔驪騎火
屢到甘泉側歲歲用兵耗中原無計和親真大惑安得飛將勇
兼謀掃穴犁庭空漠北魑來角巾不受封沙場徧種禾黍稷如
何一勝竟銘功似破薏韞禽和德陰山鬼哭聞不聞飢鳥啄肉
風雲黑無恠唐朝姜行本曆班超牌碑又勒

重九同王海如

鯤

廣文王宗六

德謙

侯仲班

定遠

趙子昌

可後

白擷丞

毓等

臧佩九

鳴珂

五孝廉馬接三

廷錫

趙

金如

廷錫

二進士馬萬青

應選

拔貢家玉谿

美如

庶常

游雷臺

聯襪暢煙情高秋爽氣迎西風黃葉寺北雁莫隄聲短髮禽鸞
插新囊頽味清笑佗陶靖節無酒待王宏

遮莫負詩豪難顧九日饒吾人共心賞故里息肩勞十七年中祇三度在

家過嘉九天地秋聲滿風雲意氣高盡歡況今日不羨到陵鄴

昇同游登雷臺後樓

伏龍城外聽秋風百尺危樓宿靄空珠玉落天聞咳唾山河耳
地起心膺不須養煖矜騷雅共把霜花喝壁融是日爲意錢之戲自古

重陽循例醉文星郝易聚雲中

偕郭雪莊楷明府何梅生承先家玉谿美如庶常登大雲

寺鐘樓觀鐘

連襪陟崇臺雲煙四面開洪鐘縣百尺大響徹三能風勁鱣

厲秋寒鶴夢哀何年晃氏鑄怒浪送涼來

故老相傳張軌居涼日大水漂鐘至境上

軌築臺縣之見舊圖籍

仙人衣戍削花草葉飄揚

鍾周遭相蘭鐸仙花草形甚活動

似此形模古誰將

世代詳自鳴知失水

城中有火災鐘先自鳴主僧及居民登臺瞭望隨方拯救又涼人以被火為失水語

頗古多乳定驚霜好事真吾輩飛觥醉夕陽

偕同游至清應寺觀西夏碑

寺故有碑亭并後甎砌不知為何年物也庚午秋余偕

同人游至寺適修葺殿宇余謂主僧喚工匠數輩相并

啟視僧以先師遺命勿啟啟則有風雹之災余曰若爾則我輩自當於僧無异諸同人愆愆遂啟之碑上塵積數寸掃去額篆天佑民安之碑六字其文乍看皆識細看無一字識者余意碑陰必有釋文復啟其後果然其

碑石左裂缺二十餘字釋文載余集書西夏碑後

晉我曾編夏國書未成而廢慨焚如

余游揚州知秦青輩恩復著西夏書往謁請觀之先

生日書未成係諸星紙藥且不足觀問所據者何書禽曰不過東都事畧宋史諸書耳後余作三禮權衡遂輟筆夏書藥五束置架上家人以為廢紙燒之至今以為恨摩碑今日排塵土譯字何人辨魯魚野里

仁榮為作者曩霄兀卒亦參諸藝林從此添新錄卻笑蘭泉篋

未儲

王蘭泉侍郎和纂金石粹編按羅甚富亦無此種

謾誇車駕再親征大捷屢摧南國兵盟誓猶然懷面鄉風雷底

事鑒精誠

用碑中事

卽論文字多重複沉復衣冠少典程賴有靈芝

歌上奏韓陵片石可同評

攜友閒來木落時何圖老眼見荒碑從時啟國頗艱苦到此著
書尚子遺阿育何年新翠堵重尋當日舊宮基可憐乾順從崇
釋天佑民安又建祠

國祚縣延二百季恨無舊史夏書傳

王文簡言國初有人過寧州謁王槐野先生見架上

有夏書卷帙多於金史今無從問矣

道冲註易遵尼父和幹封羊動上賢一自興

州城破後空餘古寺塙巋然摩挲太息斜陽外元代羊皮亦竟

傳

對酒偶興

何物能銷萬古愁
崑崙擊碎發商謳
朋友是夷吾
舌王導曾誇諸葛頭
奚事蝨魚勞七尺
每懷風月足千秋
元天造物誰能致
未肯明珠暗裏投

檢點舊箸數種慨然顧此

無復飛騰壯士心
中原知己隔蒼岑
鞭笞鸞鳳神仙事
箋注蟲魚翰墨林
宦遠雄懷漫投筆
鍾期未賞可椎琴
書牋画足紛紛是
我欲空山問向禽

顧劉綽然

裕亭

太學小照

人間何事最頤情
坐聽驕兒挾笳聲
滿院松陰消盡永
悔余霜

月拂塵纓

一甌甘露腋風冷
纔得花香破午醒
穉子蘭芽偏好事
癡憨不信種魚經

養素堂詩集卷十一

荅威張澗外集

入都中集

庚午辛未

入都補官畱別同邑諸君子

賓雁過南樓征車不可畱西涼十名士

白擷丞戴佩九孫玉仙何立葦韓得天李蘊山

六孝廉郭雪莊馬接三趙金如家玉谿四進士

送我上神州鼓角霜天曉落岑臭味投

功名果何物回首望吳鉤

弄路雪衝梅欣擎上馬杯關山明月照書劍故人陪

侯仲班趙子昌彭子

元赴春官偕行

短髮幾如蒜壯心猶未灰揮鞭聊一笑可是濟時才

岔口驛雪

雪花如掌大同舞眩雙瞳巖外迷歸鳥欄弄失繫駿荒城古戍

白老屋孤鐙紅猶憶南游日江樓對朔風
乙丑冬寓荅昌大雪後登黃鶴樓望江真奇觀也

大雪

上天看同雲平地已尺雪而我事遠征靜對此飛白
隋寒中肌膚粟起不可脫去歲冬嚴烈咸謂豐年卜詎料飢薦臻蒼黎黼
豆闕流冗攜妻孥萃色餘皮革見之惻我懷何繇拯細弱幸荷
聖皇仁緩賕施

閩澤殘喘歛然蘇田田宅爾宅吾儕亦牧民無忘毛食尾抽思
遂成篇勿讓昌黎伯

金城羈次錄別馬接三

廷錫

明府之粵西

巖風苦雪賤南征萬里功名未可輕蘇荏山高雲入夢尉佗臺
廢水環城最憐桂樹冬猶馥縱飲貪泉心自清白鶴花開當憶
我秦山蜀水各相迎

余以親老例改近省
除官當在川陝也

雪後登皋蘭山同游者馬接三

廷錫

明府趙子昌

可後

侯

仲班

定遠

彭子元

鶴齡

三孝廉

踏破瓊瑤訪老松金天顥氣鬱蔥濃驚人無句空搔首好鳥翔
雲欲濕歸城堞高低圍密樹河流斷續隔遙峯諸君並是豐平
玉惟有山靈笑我慵

會靈道中大雪車上有述示趙子昌

可後

侯仲班

定遠

彭

子元

鶴齡

三孝廉

疊疊枝陽道翹翹貢士車朔風忽吹雪危坐但唫書入幔搖銀
海霑衣綴玉珞林疏長練挂水澀咽聲虛寒羽潛巖石征人趁
井墟輶駒毛縮蜩野苧釜游魚遇一飢民口稱凍飲且暮將死爲之惻然黃竹歌方
苦青萍氣欲舒乾坤眞老否肝肺此清如絳藥延親壽瑤琴寄
友廬余懷何鬱抑沽酒酌相於

隆德縣訪李廣文

萬選

同平畱飲署齋卽席贈

如君亦冷官踏雪問平安呼酒學從駭譚詩星斗寒豈無字可

煮卻少花爲攤

時眷口未來

明日鞭絲裹盤山定幾盤

靜靈州旅舍對月

三載故里耕吾舌草堂未築藏書穴忽然又作遠役客關山磨

盡輪囷鐵平生金剛不可折風塵勞我減傲兀今夕何夕霜威
烈大好清光映殘雪拔劍起舞天宇闊星斗寒芒森毛髮南飛
鳥離雲邊沒美人千里音塵闕舉杯邀月思家切家人思我亦
望月

遣悶

何心訓造化奔走歷嶽巘冬日繁霜雪深山巨魃魍生煙羃古
驛敗土餘荒祠野隔狐狸聚天寒鴈鵠悲冰紋裂篆字風力拔
枯枝肺疾聊相慰塵容漫自疑馬牛原不及鳥鳥況多私行李
書兼藥陔蘭采欲遺飛鴻空外響浮蟻漏邊篩吾鄙皆英俊中
原有故知旅情孤皓月直道續朱絲北斗連秦甸西望覆隴坻

乾坤瘁筋骨鄉國坐瘡痍

今歲甘肅省飢甚

儻早盼金粟無須問月糜嚴

城鳴画角破壁寫毛詩冷膩羊裘弊爛斜身几移儒衣村舍性

哺食溼薪炊嗟井防千里冥懷付二奇兒驕疏我誨親老荷

皇慈

頃緣例改近省

草草勞人夢縣縣遠道思崢嶸歲云莫清省意無

疲全堞循稔看蚪龍欲吼時

大風寒甚

箕風天際來大野鬱莽蕩山館僵老熊哀鴻涇清吭村邑如雞

飛

見阿舍經

茅茨皆掃盪彼居者何人我獨事塵鞅跼屈復捫腕惛

指乃失掌埃舊日光喪空將陽鳥仰下有雷霆聲上有波濤響

誰啟土囊口致令閭閻放欲驗行路雖反覺舌本強

冰池

曉渴愛冰清征車獨鹿聲腹堅那可斧猶認月朧明

訪陸平泉

以莊

學使於三原卽席賤贈

銜

命出觚棱龍門悽仰登高文金匱策清節玉壺冰俗自西京問

人將北斗稱羅才調

帝眷士氣看雲蒸

使節駐黔南顧詩滿碧嵐秦風新入采伊曲舊誰譖涇渭分清

濁堇茶辨苦甘從知明鏡裏萬象自虛涵

碑碣接鵲野旌旗肅鹿原禰衡懷刺在毛義喜親存鴻爪尋泥

雪

余嘗從章桐門師學曾寓此

牛心侑玉尊願將板輿事一向雲階言

禮數許能寬渾忘七品官蓬心隨酒盪劍氣逼星寒蒼昊材應

篤風霜路未難沉逢陽復日春意滿長安

詰朝卽冬至

和詩

陸以莊

霜氣曉生棱空階臣罕登幸光催似矢宦沉冷於冰忽喜

故人到由來大雅稱宗風賴捏唱文運日蒸蒸

幸來主講蘭山書院

小坐倚窗南餘寒雪霽嵐客先長日至事數十幸諳驛路

來時熟棠陰去後甘書巖船放棹依撩景激涵

君幸玉屏余通視學

黔中戊辰奉使赴滇重過其地士民去後之思久而彌篤

飲思畱十日深幸過平原好學功逾遠航陰興尚存荒齋

支夕榻野歎佐清尊宛似黔山道挑鐙共話言

千里京勞遠娛親博一官陸生偏少稟范叔總憐寒到處
逢迎有休處行路難西涼遇驛使傳語報平安

三原學署晤巴陵方西苑

宗翰

孝廉口占贈之

會上江樓泛蟻杯
趨猶憶浪驚颶風情乍脫橫霜氣秦地何
緣見楚材信是澧蘭沅芷秀還從紫陌青雲來
西苑爲雪浦同輩猶子
我未陟窺丹竈相對稔懷一笑開

贈盛孟巖

惇崇

觀察

餐步上緹羣天青若撥雲軒軒真氣豁藹藹吉人云政事糝糠
掃文章薦耨階并盈尺地譚笑許終軍

經術重西京俗儒多失程我公聚黉鼓斯道有干城士仰三峯峻心懸八水清從知衮衣賤能夏振秦聲

絕妙紫薇詩

君昇方葆巖中丞師送岳一山舍人上書院詩門有句云難得一尊花下飲三人都是紫薇郎

幸和之

樹引疾在陝會步其韻

雙丸奔日月一劍倚嶽巖舊夢蕉陰鹿新

盤雪日狸勞商歌已倦但願慰烏私

久息想培風猶然賸鞠窮箸書依我子避世笑君公安有鳩民志
荒無竹素功可能雲路上吐氣亘長虹

汲縣城外有碑鐫孔子擊磬處

數聲清磬衛城邊救世深心靜裏傳曾憶接輿歌鳳德居然荷簞過門弄伶襄去職波方杳柳惠迎師室正縣總是聖懷難已

處聊將鄙意弄人宣

弔比干墓

七竅何緣聚九毛
剖來丹血濺宮袍
悲歌秣馬摧金闕
忍見夷羊在母郊
尚有蘭天楸樹表
勝侔處父石棺叨
可憐天訖殷商命
輕呂仍將哲婦膏

謝蓮湖

葆齋

大令沒於東明旅次余塗經得耗痛其湣逝

異鄉也拊棺一慟詩以系哀

撒手竟從容何爲逐遠鴻
諸孤渺關右客淚灑天東
雲冷白亭

月濤驚青海風幸逢賢令尹
魂魄豈飄蓬

朱少廬明府經理後事甚備

此事共賢愚如君信免夫
仙情隨化蝶

縣屬有莊子遺跡

幻夢醒離狐

賓客青蠅弔功名白髮紆靈來應識我爲說返遮須

訪朱少廬

煒

明府於東明

鵲怨猿驚不可聞草堂仍勒北山文風情霜氣橫雄劍酒賸琴
歌墮冷雲海內知交應憶我漆園仙吏又推君相期無廢農桑
事傅氏譜中如此云

東明縣有公西鰲故里過此弔之

侍坐威儀肅賢名四友齊我方行自北村尚號公西衰草迷荒
冢寒雲護斷隄悲哉虹玉葬阿蟻待君顓

開州曉行

白月藏雲罅微光路未明塗深馬易病夢冷鳥相驚星遠樹無

影沙飛風有聲京轡尚千里愁絕此荒城

祭竈日元城道中

街頭爆竹鬧兒童我尚驅車逐轉蓬耽睡鸞鵲書作枕畏塵迷
目鏡當風詎嫌歲莫春將至卻恨家遙夢不通買得黃羊自多
福何爲辛苦縮黃銅

大名道中遇雪口號

南國多梅偏少雪北方饒雪卻無梅我逢臘日元城雪恰似梅
花萬樹開

寒夜曲元城縣署作

溼雲墮地寒凝裳鐙花結藥照空房起行四角周中央爐中撥

火面生香微倦斜臥在匡牀默數箭漏聽三商忽憶嬌兒念家
鄉飛夢不覺到西涼荒雞乍鳴醒眼忙窗上月色看微茫不知
原是積雪光

春日過唐山縣

小小岡巒列翠屏人家緊伴画舫亭冰鐙爆竹兒童鬧酒幟茶
槍市社停殘雪初消沙路軟柔煙不散桺條青平生似舛春相
約每到春時便駕輪

山出雲

山之雲兮綢繆觸石起兮專鵲文荒有心兮出岫沛甘澤兮慰
民殷我欲扳兮萼蓋將以期兮雲中君忽驚鳥兮來翔報我以

五雲之章曰從龍信有時兮曾幽谷兮襄羊不崇朝兮卽雨何
故山之可忘毋裴衷兮西郊俾黔首兮引吭爰召兮豐隆救撰
轡兮陵空五之日兮飛霖瞻中原兮無蟲蟲駕言歸兮帝鄉自
怡悅兮焉窮

朱石君

珪

相國師以五言題續黔書依韻和呈

吾

皇治體元八埏蒙敎富上相調大鈞宏啟神明圓柵鼓吼靈藥

巫咸獻吉繇

時黔楚苗平

獸返張千戈平豐仰杵臼沐髮下白屋北

山空猿狖道濟信伊望噉焉如抱疚養化廣樹人榛披出橘柚
小子敢狂簡丈夫慎邂逅奉檄墜蠻荒木天憶早遘直廉效君

魚通放薄高祐投簪鏡尚磨承菽汗如漚師平和甄陶彭宣希
造就翹車飛河梁輔

聖賴尹壽

元詩

朱珪

張生天下英獨羅老庫富十四歌鹿鳴十九登麟圖奇文
儼揚馬識字精斯繇古韻畧梁沈官律失科曰百里試龐
鳳湖沅叫猿狄玉屏高崔崔黔書核利疚中閒弔屈纍誰
歟貢包柚高堂勞岵岵寤寐想邂逅欲排闥闔雲空望鴈
鷺適人生各有命爲善天必祐軒冕昇山林喧索同一漚
君年未及壯噬手勳可就不如從吾好三立期上壽

青鸛篇寄章桐門

煦

中丞師

西方有小鳥青鸛自呼名託跡在蓬蒿四海焉能橫搶榆偕斥
鷃燕雒遞相輕亮無翀霄翮藪澤以終身爰有大羅氏味漱善
擾馴兼授孟虧法見之特憐矜朝飼以琅玕莫飲以露英琅玕
實纂纂離珠比光晶露英氣馥馥神漢比芳馨育養長羽毛文
雉相鮮新八翼日豐滿引吭一長鳴天地自方圓黃鵠窺其形
溟池波萬里圖南搏大鵬青鸛不自疑矯翅奮雲程扶搖陵六
氣紛紛到玉京游戲三珠樹結巢蓬之瀛丹穴鳳作友青田鶴
聯朋豈不念蓬蒿鳴盛且和聲善鳴良非銜晉乃叶磬笙罌風
歛爾至吹落陷汙涇煙雨紛蠻獍鵲翰漸摧鶻飢乏祝餘粟渴

無圓嶠水鳥鳥羣嘲啾宛頸獨屏營梁上舞禿鷲雲中飽驕鷹
曷不蟲蟻啄處潔嫌羶腥衰哀悵中道操履弗變更何來彼雄
鳩佻巧工欺爭鳩媒復嚙嚙羅氏遂焚聽青鸛雖小鳥敢忘拂
拭情憤懣以臆對黃花夙所珍詎讓楊寶雀銜環保性真慚少
意而智尚守佳其貞翩翩三青鳥實爲王母伴往來三角表舊
枝定相經寄言隴山客無惡此重明重明亦何惡百鳥畏雙睛
儻返祇支國慙雀敢顯征願將羽毛假擊梟見平生

顯禮烈親王骹箭圖

百戰靖邊庭奇勦汗簡青古英名錫美遺鏃血飛腥大敵摧枯
朽重圍起震霆至今宗祏裏森肅護精靈

薩許盛兵地凌河賈勇時千軍屯門蟻一矢叫飢鴟飲羽旄頭
墮長歌玉塞馳功成仍拂拭校獵見雄姿

耿恭驚谷蠹褒鄂貌陵煙夏服真神物秋風又勁弦經綸開草
昧事業寄參連猶憶陪

黃幄

殊恩賜

法筵

祖澤仰鴻苞賢王重尺骸摩挲騰電影想像覆鴟巢

指發郡王阿禮達貝

勒願託謀立睿王事阿禮達王之孫願託王次子也天地消鋒鏑河山守胙茅拳拳懷烈

意生氣寫蒲梢

謂克勒馬圖

十二日通州署夜雨念同邑諸君子方在棘闈輒作長律

兼攄鄙懷

夜雨蕭蕭滴涼生
舛漏偕支頤成獨坐
叉手憶同儕鼓柝嚴城
急鐙檠短屋排苦隘
惟抱剝久霽忽沈霾
潏淋漓筆催修滑
澣換都堂窺黯澹
牆角聽陰諧
兩地風煙共三更
燭影皆回思
芒落歲早踏
薊燕街裏卷隨羣
彥衝寒得厲瘡

已未場中中寒入號舍病甚

欽顥崇

聖孝

首顥慎終追遠民德歸厚矣時純皇帝大行之後

制藝戒優俳經也將呼佛

綳歟恐倒娃偶然金帖喜況乃木天佳亦欲文章報誰期數運乖鬼方銅印綰

帝旨玉屏差苗俗淳能格絃歌化可階隴雲紫夢緒黔月照扉

柴遂下豚流權旋驅鹿塞華椒香翔藉爾墓古闕洪崖洪崖墓

見博志乳酪堪怡性閣羅可卻虛閣羅粥名見涼州異物志五龍尋鑄象張陵時有

五龍見謙光殿池庚午秋雙白燕見涼州詩雙燕門詩牌每蔭祁

連樹天山有仙樹渴飢者食之輒飽不得持去見河西舊事隴收播次稽葡萄曠咎酒鳥

翅肇鄉腴涼州有鳥翅見康成禮注日月憑奔轍乾坤朕嬾骸儻能供白粲

邠復族青綢俛叩嗟靡賴行藏轉費偕潘欣板輿逐周怨法筵

埋竟蹈遑遑仕聊聊項項懷諸君實並茂爾日場宏爾異蘭抽

園客靈籥奏女媧春融蠶飽葉戰捷矢跋駟綾餅承

皇澤泥書折寶釵部司遵律例蓬觀校淫淮陰濟干官列評裁

六代哇鳴岡追噉鳳困發陋蟠蠅而我嬰塵網相於憎病懷壯

年悲赫髮歧路策髮騶感事惟空鵠依人壁走蝸筆花摧側理

肘柳臥荒齋拔劍瑤窗闊軒衣翠桁佩遂音吹裊裊會稽任君吹簫輒起

根雞語禽喈喈梧鼎烹陳莽濡豪注孟槐轡校郝蘭皋農部山海經箋疏遂致

銀海眩不覺硯田巖結念游平谷在通州南潮縣西十里深宜服輒緒孤

峯描似笑在通州東四十里芳淀淨於措延芳淀即遊主放海東青處縵鄆苗抽麥

斜窪草茁荻詰曲穿幽徑微和扇惠颿商蟲開蟄戶楚雀集枋

薄冰泮黃船塢盤登白水鮭徵歌聽鳥嘯霑醉嗅花筵無奈宵

岑未從聞犬吠嗟癡童聲作瑣欄溜響縣潛虛想長安齊容摩

蜀國楷頃告近除官例在川陝當門思韭薤橫道問狼豺藉使高堂慰靈

甘慾壑挨清明明旦近作客此天涯

通州朱吏目聲廉以尊人梓廬明府壺山吟藁見貽卽題

其上訓之

作吏得壺山豪情不可扳拈髭追月魄拄笏對煙鬟花落鳥聲

靜水流雲意閒此時吟興健橫厲雁門關梓廬知山西廣靈縣

陶令投簪日松蒼菊未殘師春仍理帙贊夏且尋歡耆舊襄陽

續修嘉興縣志梓廬專纂人物功名幻夢蘭尚餘耽句習大將儼登壇

源流沿趙宋技剔自能精瘦骨嚴家隸空音破殿筆逃儼仍漆

吏端箋又杯生梓廬精星命之術況乃階弁秀通才說仲卿

我亦倦川涂由拳醉百觚至今莫春月飛夢落南湖病未逢扁

雒書仍註貨狐

頌纂輯世本

手編結遙想可是小長蘆

贈侯二仲班

定遠

萃廉時同寓通州署

燕市狗屠多方舟下潞河故人申絮語

孫棲雲秀才亦在署

官解醉笙歌

料峭春寒逼飛騰客夢訛

時夢引見授詹事府

無爲歎蹇偃起問夜如

何

贈孫棲雲

揆策

秀才

慣向東粵踏輭塵蕭騷白髮健精神乾坤莽蕩何須問日月奔
馳轉覺親平地散仙花頃刻諸侯上客酒逡巡相逢聊話龍城
事無船輕寒又莫春

潞河煙景正暄晴況是佗鄉遇友生

侯仲班蔡翰升亦來通署

倚酒呼盧消

旅鴈落花疎雨過清明相看紅日三霄近且待黃魚百斛傾誰似孫登心跡迴偶然長嘯鳳鸞聲

寶峯寺

爲問寶峯寺題詩尚有無明馬中錫題詩寺壁我來三月莫信步踏城隅

坐柳鬢黃老鉏苗土脈枯欲尋龍玉印飛雨灑平蕪潞縣孫氏得玉印龍

文曰旱疫平見魏書

然鐙塢

古塢繞晴氛修葺紀字文何人留鐵矢塢頂有鐵矢一世傳此

地枕河濱鐙影浮寒水鐘聲入曉雲看佗黃舍利塢藏舍利數百枚如小米

色淡黃微紅盞澈如珠子負手對斜曛

潞河

睥睨壓河隈糧艘百萬來宜其民免餓仍仰歲捐災治水有關
並劭農無李悝慨慷誰弇語聊上牧羊臺

在通州城南
飲羊河上

羨門墓

松漠紀聞羨門墓
在潞縣今沒其處

蔓草荒煙處古墳迷羨門神仙竟速死天子想長存鞭石方看
日魚膏已冷魂子高今不見東望海雲昏

平谷故城

五幡昇大槍建菴元季征有詔耿弇輩相隨吳漢行威棱摧大
敵平谷剩荒城我欲尋遺跡寒雲護舊營

贈柯月川

映伊
刺史

汗簡會傳史肅名

史肅金人任通州刺史

先生又續此循聲臣心似水富

河潔民口如碑孤嶺平未免驛騷勞夙夜仍勤撫字慰編氓屏

風姓字畱

皇覽看鵠鷹驂勸力耕

回首三季吏夜郎可能歸後蔭甘棠思飢又起岐嶷感學道無

如言偃良車引奇肱南指路斗聯箕尾北流光

天官書箕尾屬幽州宋史天文

志北斗為燕分野

爰詢治譜誠多異安樂城并看牧羊

漢書注安樂縣地在幽州潞縣

西北校即通州也牧羊臺在城西

觀劇演蕭何追韓信事有佗

從此潛逃事力耕淮陽應曜可齊名如何又逐鄧侯去焉得不

爲呂后傾鐘室從留百季恨將壇空使一軍驚未從崩徹無須
悔獻革率佗北郭生

偶作

靜裏能輕浮世事中季愛見故鄉人鶯花起悟兼醫病書卷消
愁祇盡貧處困當知尋樂趣求官卻畏早閒身誰教一夜濛濛
雨洗得蘚階無點塵

通州春莫

春色尚依人縣煙冑潞濱張帆陵野渡結韞縢芳塵薄醉心仍
息微寒鳥欲親故園五千里肯負眼并春

蔡翰升

發甲

孝廉來通州柯月川署同憩補過堂中傾榼

情話於揭曉之甫別去作此貽之以敘悵觸

吾涼蔡孝廉體貌最安恬好學攻堅木能文兌采繼通經傳渭

士翰林會主講短晷戰風櫺佇待金花報中丞亦拂髯孝廉最

嶠中丞所矜許

樽燭坐宵深擲杯譚素心有田貧可嗜翰林有客樂難尋如

爾爾雲駿宜隨巢禽風塵余亦倦猶復學鳴琴

扶病至崇效寺看牡丹

支離病骨瘦於麻策杖來看富貴花消渴呼童收落蔬煎酥可

當紫茸茶

蛺蝶飛飛似太忙海棠已謝敞僧房佛經伴枕酣眠去夢弄黃

衫話短長

同憶芳游十一

辛酉歲昇朱青如水部王楷堂比部來游尚未植牡丹

重來拭目立花

弄卒都桃樹芳相例果是憐花死也便

休問姓名是鼠姑任佗所卻種楊榆麗娘怕有魂歸日不見花

陰舊養鳥

庚夕夢家婢秋菊病亡

舟泛潞河

呼得野航至天邊好問津搖搖風引岸脈脈水流春何處延芳
淀誰家拾翠人微波儻可託錦字寄丹鱗

送趙子昌

可後孝廉下第返里

執手匆匆話別愁
敵風肝日返涼州
親交聚飲羅闌粥
書卷重

繙考異鄧無悔卞和藏璞玉須知薛燭待純鉤寧山經過君須

上上有殘詩署介侯

余庚申游寧山有詩題石壁

圭璋特達仰清才會薦明堂列鼎鼐此日矩矱潛鳳采佗時齧
剗騁龍媒如吾樗質猶銅綬況子錦心實玉裁無那勞商聽不
得蘆溝西望幾衰哀

送李蘊山

映樸

孝廉下第旋里

一笑躡霜蹠驅車竟向西關河誠阻遠尊酒且招攜世事羊公

鶴文章紀涓雞歸歎莫連蕩厲志看天梯

涼州南有天梯山

大路排官柳絲絲別緒縈如何鳴鳳士復返伏龍城豈不企雲

夢能無泣璞情松濤風正好重拭舊題名

松濤寺在涼州北門外景最清幽去夏屢

招朋侶
避暑

送王正泉

三益

孝廉落第歸涼州

幾奪魯陽戈胡爲曳落河

卷被薦不售

青冥天欲問蒼莽路還賒馬

首蓮峯秀金城柳樹多征驂去燕趙定厭此悲歌

家世富青箱清芬豔五涼阿誰稱俊物之子早成章利劍韜堅
韉飛螢入舊囊君看冀北野何代有畱良

十不啗奉慰陸秀三

芝田

孝廉落第

折卻骨塵不可舞拋他禽臘不容鼓龍伯依然不掣鰲中黃竟
爾不禽猱飛衛不教貫蝨心靈芸不得穿金緘緘不嫁娉婷寡碧
玉不聽幼眇寒燭騏驎不虞頓轡轡鵬鵬不料坐雲翅念此

拔劍所地歌如君奇才世無多
珠光玉氣難消磨仍當整理陶
侃梭莫臥倚帝吳筠窩

題柯月川 映伊 刺史聽鸛圖

竟有神仙吏蕭疏柳下來
絮飛春未老石古坐誰陪
白眼九天闊黃鸝百轉催
閒心超物表雲影自裴裊

鞅掌最攬情科頭且養生
琅蚪經早熟碧蟻酒能傾
沾淺芒屨磬山遙爽氣迎
豔陽沉韶媚坐聽落花聲

又作

風柳條條裊碧絲郭公嚙處最高枝
雙柑拋卻獨來聽正是潞
河春莫時

縮印衡塗近鳳城五雲樓
闌曉煙橫偷閒半日莎廳靜紅杏邨
弄看雨耕

首公時復見辰心虛牝黃金亦自箴
偶爾性靈賴陶寫鳥聲差
勝管絃音

添稟寫出得天眞我欲從之問治民
麟閣雲臺須画像江東老
卻季鷹尊

顓水鴨圖

唼唼新蒲翠藻邊沙汀如雪水如煙
筠弓縛得休輕射畱弄紅
裙伴采蓮

結了鷗盟夢不驚蘆花深處少人聲
雙飛雙宿眞安穩時隔荒

陂喚少卿

題友人美人幀子

有美奈愁何春心問逝波不逢白司馬且自理鸛婆
余亦愛蛾眉閒情賸有之蘭香今不見飛絮引游絲

客夜

獨坐渾無事觀書亦偶然壯懷山入腹鄉夢月隨肩犬吠譙樓
鼓鼙飛矮屋樣安能祛百慮穩倚隱囊眠

倚薄

倚薄無聊賴并除望夏雲風狂妨好雨病愈愛微醺
笑堂堂歲月紛蟲魚非扁鵲注意何云

得友人書寄此

埃動招尤悔局關且息心
雷霆車隱隱日月馬駸駸
彈鋏無魚食拈詩有蠲
音故人書適至念我意何深

同袁華塘

惟清

明府游李氏園亭用杜少陵陪鄭廣文游

何將軍山林元韻

避暑尋幽勝名園隔小橋
維舟紅蓼岸回首白雲霄
藉草泥猶滑聽禽響若招
林標排雉堞未覺路迢迢

古木園芳幄煩褊到此清查
查盤恠鵲恰恰隱唬鶯
豎子鞭辰牡園丁餉午羹
看來軒冕貴不及踏沙行

曲徑橫塘上欹斜暑約支涼
生楊柳渚香滿菱荷池風露
淨如

拭獨央夢不知盈盈復脈脈愛爾紅衣披

燕掠沾泥絮魚吞貼浪花墮蟲招門蟻伏螂趁騰蛇世事爭猶
此天時熱正賒科頭松徑臥那問主人家

宰官同說法臭味詎差池壯志青麟足高情白鷺離安言徵後

帝

昇華塘
說鬼

博物識弄兒坐對藤蘿晚依依月影隨

水榭三叉入風亭四面開傾尊浮翠竹壓蘂落芳梅歲月驚如
逝神仙冀再來興高轉鬱律久立損蒼苔

草堂仍未築又佗出山泉事業期金鑑文章笑木絲何爲久羈
旅得不澀囊錢底日塵容洗誅茅卜朝川

潞水銀鱗細煙郊玉稻香桑麻眞景物風雨劇清涼作客勞多

夢逢人勸早藏身猶升斗戀擬欲箸聊蒼

眼并誰道得蘭雨又頑雲平子雖能臆中郎總善文乾坤意氣

合魚鳥升沈分少住爲佳耳無俾別緒紛

葦塘將返寓邸

似此園林趣其如日涉何潭邊止水靜樹外斜陽多歡伯僊僊舞等奴管管歌佗年薜壁上可記吾人過

通州署補過堂并有蘭數本春夏之交蕉萃如病棄置墻

隅人不省眎忽爾猗猗吐馥挺花爰作詩慰之

九畹移栽老瓦盆輕拋卻似忌當門光風泣露潛滋長未遇同心不肯言

墻角居然燕尾翔無人亦自門芬芳道等仙術今難續安認零

陵是國香

喜置莎廳伴水芝

亭有荷二盆

何來綺石貯黃鸞新秋未至遲紉佩

試伴芳湯浴也宜

美人公子隔波濤擷取幽香散鬱陶三復南陔馨膳句無須痛

飲讀離騷

和袁華塘明府詠蘭元韻

坐久不辭臭善人超世姿羅含獨處日謝覽偕行時清露心同
潔荒榛手自披空山良采莫悽絕仲尼詩

孤根當自保誰惜爾馨香魚魴叢羣卉珍珠壓兩璜延齡矜白
朮調忿說青棠何似騷人佩清風九畹涼

偕袁葦塘明府汎舟至李氏園看蓮花

小艇聯朋看翠蓮
蟬聲叫破雨餘天
盈盈水隔紅粧面
澹澹風吹白羽煙
解語如卿應共賞
無情見爾亦生憐
寶環持贈原珍重
結社廬山俟晚年

水榭風亭趁午涼
開軒不斷此生香
羌無越女爲飛樂
定有騷人欲集裳
將覓一雙鳴翡翠
恐驚三十睡鴛鴦
所思遠道那須采
畱結高秋百子房

雙藥怨曲聽難諧
爛醉筒杯興自佳
瑟瑟衣紅雲錦濯
團團月白露珠排
洄流曾說花千歲
簪上相逢水一涯
何日玲瓏抽碧玉
吾將宛轉問金釵

驀山玉井尋千葉

庚申歲登蓮花峯

黔國琴堂詠二花

謝宰玉屏日印江梁秋澗書來

言暑中池蓮皆重

最愛污泥不能染況逢良景又何加搖風獨

盡屬作詩紀之

自消炎暑出水天然淨點瑕太乙仙書那可得聊從爾雅認茄

遮

金澣袁葦塘

惟清

明府出詩藥索韻

廷瑞稱詩後葦塘今典型經學曰禪石史說岳珂程餘事猶洪
響紛吾叩寸莖手編尋派別如見葉榆渟

循聲飛冀北才藻耀滇南龍坐生并記狐禪悟後參

葦塘昇一狐仙善

拈來都妙句相對縱雄譚夜永清尊倒星辰滿蔚藍

琴歌恨久拋惹得北山嘲萍水相逢處雲霞訂素交坐深生肘

柳論關刈心茅日月馳麟步功名就斗筭

中郎誠健者閱歷各升沈烈士莫幸曲美人香草心

葦塘姬善圖說

劍愁能割通醫病易箴君家河朔飲此日可追尋

葦塘欲返寓爲爾數日以

暑避陸

王曉邨

庭等樞曹撫存馬樹堂

丕基

比部之孤有古人風

余亦比部同年也愧之感之佗此以章曉邨之高誼且

以志余歉懷

繫馬氏之子彌月喪父母父母既已喪父母忽固有父兮母兮
誰厥爲父之友屬續未託孤毅然存其後存後詎敢知久要不
忘久兒小未能食卒瘞口予口兒弱未能衣拮据手予手推乾

就溼圃又賴圃中婦視之如所生漸育意良厚厚意君豈矜行
其心所守余獨爲何人忍將地下負到漑寶寡情廣絕交論詎
君平信能賢匹程嬰杵曰

和怡齋公子修竹元韻

曾向豚流尋巨節拋荒汲冢古文書偶聞翠篠香風細恰對秋

窗月夜虛江介誰能灑艇逐

余將南行

炎天且欲挑笙舒佐時鳳羽

知尤茂可憶蒿蓬仲蔚廬

將南行奉別廉繼堂

善

詹事宋止灣

湘

白小山

銘

史望之

致儼

吳美存

其彥

編修王伯申

引之

學士吳荷屋

榮光

蘇樸園

兆登

侍御王楷堂

庭紹

比部盧厚山

坤

樞曹家

棠邨

業南

農部諸同季

僕僕胡爲者天高地又低
那能呵壁問總覺宦塗迷
活我有書
齒畏人如瓊雞靈基休布算履道得端倪

筋力吾寧愛高堂有老親
知年兼喜懼侍養隔晨昏
猿鶴空多
怨江湖寄此身孤雲天際遠悔踏輦紅塵

才望仰諸公楓棧曉日融
功名程九萬經術瀟西東
戶外誰題
鳳雲閒響遠鴻肩書手劍去未信此塗窮

風雨薊門秋征驂不可留
萍蹤仍水國商調自涼州
別恨安能
賤知心未易求大江片帆挂時上望京樓

重別朱芷灣

湘

太史同季

不信身宮蠹傲同司命爭天其勞我骨世或妒吾名未免悲牢
落無能學向平寥天看雁影徙起故鄉情

向耽文字習焚棄意猶慳巧苟逢鍼度心當比石頑生灣語澗
以處境如
是
邴愁魚涸輒總羨桂馨山明日蘆溝上秋風慘別顏